

**ATORAN SAMBAYANG AKAN ANDAU MINGGU IJE SULAKE
MINGGU, 7 NOVEMBER 2021**

1. PERSIAPAN / INTROITUS

- a. Doa Konsistori
- b. Berita Jemaat
- c. **Ungkup mendeng** tuntang manyanyi bara **Nyanyi Ungkup No. 42b : 1 - 3**
“SORAK, LAHAP RAMI-RAMI”
- d. Presbiter

2. VOTUM TUNTANG AUH TABE

Pandita : “Pandohop itah huang aran Tuhan, ije jari manjapa langit tuntang petak, ije jari mahaga janjie sampai katatahie, ije dia maku manalua kare tampan lenge”

“Keleh asi akan keton tuntang kasanang bara Hatalla, Bapa itah tuntang bara Tuhan Yesus Kristus”

Ungkup : Amen.

(ungkup munduk)

3. UNGKUP MANYANYI bara Nyanyi Ungkup No. 180 : 1 - 3 “KASAYANG TUHAN DENGAN ITAH”

4. MANGAKU DOSA (L)

Keleh itah mamparandah arep itah into taharep Hatalla, Tuhan itah, hayak mangaku dosan itah :

“Ikei mangaku into taharep aim ije barasih o Hatalla ije jatun tikas kuasae, ikei toh badosa dengan Tuhan, awi tirok atei, kotak tuntang gawin ikei. Dosan ikei te tangkahalau kahaie, pasi ikei o Hatalla, ampun ah ikei je badosa toh, tuntang ngagalan ikei akan pabelom ije katatahie. Huang aran Yesus Kristus, Tuhan ikei”. Amen.

5. BARITA ASI SINTAN HATALLA (P)

(ungkup mendeng)

Kilau rewar Yesus Kristus, ikei mambarita dengan gagenep oloh ije jari mangaku dosae into taharep Hatalla dengan kabujur ateie. Hatalla hamauh : “Aku mampalilap kare kalangkah kilau ambon, kare kasalam kilau baun andau; buli aku, karena Aku maliwus ikau” (Jesaja 44 : 22)

(ungkup munduk)

6. MAMBASA AUH HATALLA

Keleh itah mahining auh Hatalla ije tarasurat huang Surat Barasih, iete bara Janji ije sulake iete bara surat **1 SAMUEL 1** bagi **4** sampai **20** ije kalotoh auhe :

Saritan Samuel inakan indue

4 Maka djadi sasining Elkana mimbit parapahe, ie manenga bagi akan Penina tuntang akan kare anake hatue bawi; 5 tapi akan Hanna ie manenga salipet karee, karena ie sinta Hanna; tapi Tuhan djari matep paranakae. 6 Tinai djambuae haradjur mangapehe ie, awie mandi ie, basa Tuhan djari matep paranakae. 7 Maka tumon te gawie genep njelo; sasining ie hagoët akan human Tuhan, maka ie manjindir ie; te maka Hanna manangis, djaton maku kuman. 8 Te koan banae Elkana dengae: Hanna, mbuhen ikau manangis? mbuhen ikau dia kuman? mbuhen ikau kapehe ateim? dia aku toh bahalap akam bara sapuluh anak hatue?

limbah ewen kuman belom hong Silo, Hanna mendeng, metoh Eli, imam te, aton mondok hong karosi tokep papar bauntonggang human Tuhan. 10 Maka oloh bawi te, hajak ie paham kapehen ateie, balaku intu Tuhan tuntang paham manangis. 11 Ie bamiat, koae: O Tuhan, Tempon kare kawan taloh belom, keleh djaka ikau nangkilik sinde nampajah barangai kapehen rewarm; tahu aku, ela kalapean rewarm, tapi tenga akan rewarm anak hatue, te aku handak mambaris ie akan Tuhan, njamah hapus andau pambelome lading sukur djaton akan mikis takoloke. 12 Djadi, amon ie tahi melai balakudoa intu taharep Tuhan, maka Eli mite totoke. 13 Karana Hanna hamauh huang ateie, baja totoke hadjumit, tapi auche djaton tarahining; tagal te Eli manggare ie babusau. 14 Palus Eli hamauh dengae: Kilen katahin kabusaum salawah? Karendeng arepm! 15 Tapi tombah Hanna, koae: Dia, tuan; basa rewarm toh oloh bawi idje pehe ateie, tapi djaton aku djari mihop anggor atawa taloh bahari, malengkan aku djari manusuh mampohak kapehen hambaruangku intu taharep Tuhan. 16 Ela manggare rewarm idje bawi toh oloh papa, karana awi kare kapehen ateiku, awi kapaham kasinggul huangku aku djari hakotak kalote katahie. 17 Te tombah Eli, koae: Lius ikau dengan selamat! Hatallan Israel akan manenga taloh lakum, idje djari ilakum intu ie. 18 Koae: Keleh rewarm iasi intu matam! Tumon te oloh bawi te lius, tuntang ie kuman, djaton babangut hindai kilau bihin. 19 Limbah te hajak djadjewu ewen te misik, manjembah intu taharep Tuhan, palus ie buli, sampai humae hong Rama. Maka Elkana rantep dengan sawae Hanna, te Tuhan manahiu ie. 20 Djadi, limbah bara te Hanna batih; ie manak hatue tuntang manggare arae Samuel (ihining Hatalla); karana koae: Bara Tuhan aku djari balaku ie.

Sampai hete auh Hatalla ije imbasa akan itah katika toh : *"Selamat oloh te, ije mahining auh Hatalla tuntang mahagae jete huang pambelome"*. (Lukas 11 : 28)

7. MANGAKU KAPARCAYA (L)

Buah itah **MENDENG** huang kahinjen kaparcaya dengan oloh Kristen hong kare katika tuntang kare eka, itah hayak-hayak mangaku kaparcayaan itah oloh Kristen hapan atei tuntang nyame kalotoh :

"Aku percaya huang Hatalla, Bapa ije jaton tikas kuasae, ije jari manjapa langit tuntang petak. Aku percaya huang Yesus Kristus, Anak Hatalla ije tunggal, tempon itah.

Ije jari inakan Maria bujang salia awi Kuasan Roh Barasih, jari ingapehe jaman Pontius Pilatus, ilantak into kayu sampalaki, matei, ingubur, mohon akan eka kare liau.

Andau telo jari misik tinai bara marak oloh matei, mandai akan sorga, mondok hila gantaun Hatalla, Bapa ije jaton tikas kuasae. Bara hete le kareh haluli uka mariksa tuntang mamaleh oloh belom, oloh matei, tumon gawie.

Aku percaya huang Roh Barasih. Aku percaya aton ije jalahan ain Kristus ije barasih, iete kare ungkup oloh barasih ije ihanjean Roh;

Aku percaya ampun dosa, kamisik bereng oloh matei, tuntang pambelom ije katatahie".

5̣ 5̣ | 6̣ 5̣' 1̣ 1̣ | 2̣ 1̣' 4̣ 4̣ | 3̣ 2̣ 1̣ 2̣ | 1̣ . || (ungkup munduk)
Hale-lu-ya, Hale-luya, Hale - lu - - ya !

8. UNGKUP MANYANYI bara Nyanyi Tara " TATEAN S'LAMAT "

9. **MAMBARITA AUH HATALLA (P)**

a. *Mambasa nast tumon je inukas huang Almanak GKE MARKUS 13 : 1 - 8*

Jesus mansanan katan panumahe

I3 Maka amon ie balua bara human Hatalla, koan idje biti muride dengae: O Guru, ite ampin batu tuntang ampin pangun huma toh! 2 Tombah Jesus sambil hamauh dengae: Gitam kare pangue pangahai-hai te? Batu idje mahin dia kareh balihi hasusun dengan kolae, idje djaton ingarak. 3 Maka amon ie mondok hundjun bukit upon undus, tandipah human Hatalla, te Petrus, Jakobus, Johannes tuntang Andreas misek ie metoh ie ngabuat: 4 Sanan akan ikei, pareu taloh te akan mandjadi? tinai en katan katikae taloh handiai te kareh lepahtulus? 5 Maka Jesus tombah auch ewen sambil hamauh: Inga-ingat keton, bele oloh mampalajang keton. 6 Karana are oloh kareh lembut hapan arangku, koae: Aku toh ie; maka ewen kareh mampalajang are oloh. 7 Tapi amon keton mahining oloh hakalahi tuntang baritan oloh hakalahi, te ela keton tangkedjet; karana djaton tau dia taloh te mandjadi, tapi kalepahe hindai. 8 Karana utus oloh idje kareh mamok mawi utus beken, tuntang karadjaan idje kareh mawi karadjaan beken; tinai petak kareh hagerek hete-hete, tinai lau tuntang taloh pampikeh kareh lembut. Maka djete uras tampanan kadjake bewei.

b. Lakudoa pandak

c. Mambarita Auh Hatalla

d. **Inutup dengan Lakudoan Tuhan** : *Apang ikei ije huang sorga! Aram buah imprasih. Keleh karajaam dumah. Kahandakm akan manjadi kilau huang sorga, kakai kea hunjun petak. Tenga taloh kinan ikei, ombet akan andau toh. Tuntang ampun kare kasalan ikei kilau ikei kea jari mampun oloh, ije sala dengan ikei. Ela manamean ikei huang tingkes, tapi liwus ikei bara ije papa. Karana ayum aton karajaan tuntang kuasa tuntang kahai palus katatahie, Amin.*

10. **MALUPUT PARAPAH (L)**

Toh aton katika akan itah manyarah parapah, je patame itah hung amplop parapah. Inyuan akan kotak baun gereja, katika pumpung sambayang jadi hapus.

a. Keleh toh itah mahining bara II Korintus 9 bagi 6 sampai 7, ije hamauh :

“Ije manawur isut, isut kea kareh inggetem, ije manawur kutoh, kutoh kea kareh inggetem. Tapi keleh genep biti manenga tumon puna katukas atei, ela dengan kanyasale, ela basa ie hajujuan, karana oloh ije rajin manenga, ingilak Hatalla”.

b. **BALAKUDO**A : O Tuhan Hatallan ikei, rajan salepah kalunen. Tarima toh parapah oloh ayum, ije jari inyarah ikei tumon parentahm akan indu horumat aram. Dohop ah, mangat parapah toh tau ihapan akan manyang Tuhan, akan kahain aram, awi Yesus Kristus, Tuhan ikei. Amen.

c. **UNGKUP MANYANYI** Nyanyi Ungkup No. 135 : 1 - dst “**LANGIT PETAK BULAN BINTANG**”

(ungkup mendeng)

11. **BERKAT TUHAN (P)** Keleh toh buli dengan kasanang tuntang tarima Berkat Tuhan :
 “Keleh Tuhan mamberkat keton, tuntang mangalindong keton.
 Keleh Tuhan manyangkowong baue tambuan kenton tuntang masi keton.
 Keleh Tuhan manyangkowong baue hunjun keton, hayak manenga kasanang akan keton” (Numeri 6 : 24 - 25)

1 . 2 3 | 4 . 3 . ' | 2 . 1 . ' | 4 . 2 . | 1 . . . ||
 A - - - - - min a - min a - - min.

SALAMAT ANDAU MINGGU.. HATALLA MAMPAHAYAK ITAH SAMANDIAI

42b. SORAK, LAHAP RAMI-RAMI.

C = 1

Lago : Eweh tawon oloh kanih.

4/4

L.N. No.21.

1 . 2̣ 3 1 | 3 4 5 5 | i 7̣ 6 5 3̣ |
 So rak la hap ra mi ra mi, am bo auh ka
 Im bit hormat tri ma ka sih, kan pa ne wus
 2̣ 2̣ i . : || 3̣ . 3̣ 2̣ 2̣ | i i 7̣ . |

hanjak toh!

Kra na Tu han pang ka hai

a yum toh!

6 . 6̣ 5 i | 2̣ 7̣ i . ||

ma rar i kau ung kup aie!

2. Ela mikh, ela runkok,
 ela magon nyukok wei!
 Aloh jalam jari bingkok,
 Tuhan mampun dosam te,
 dan mamprasih ateim toh
 toto hapan kuasan Roh.

3. Hapan asi katatahi
 Tuhan marar ikau toh,
 mampong ateim tuntang masi
 hapan sinta, hapan Roh.
 Ikau eka sinta aie
 palus sampai katatai.

G = 1

180. KASAYANG TUHAN DENGAN ITAH.

Lago: L.N.No. 66.

3/4

5̣ 6̣ 7̣ | 1 . 3 | 2̣ 1 2 | 3 2 0 |
 Ka sa yang Tu han de ngan i tah
 O hi ning ke ton hi ning bri ta
 2 3 4 | 5 . 4 | 3 . 2 | 1 . 0 : ||
 ka sa yang i je to to hai.
 je ho ran Tu han pang ka hai.
 3 3 3 | 5̣ 4 2 | 4̣ 3 1 | 3̣ 2 0 |
 mam pra han sin tae, a sie aie,
 6 5 4 | 3̣ 2 1 | 2̣ 1 7̣ | 5 . 0 |
 ka sa yang i je to to hai.
 6 5 4 | 3̣ 2 1 | 2̣ 1 7̣ | 1 . 0 ||
 ka sa yang i je to to hai.

2. Kajake patut buah aku,
 toh asin Tuhan denganku.
 Hung Yesus aku sondau toto
 kaliwus bara dosanku.
 Toh awi en manjadi te?
 Kasayang Tuhan manun te.
 Kasayang Tuhan manun te.
3. O Tuhan keleh ikau masi,
 mahaga aku oloh aim;
 te aku mimbit trimakasih,
 mambrita tara dan kahaim.
 Dan amon lepa umurku,
 tarima aku, Tuhanku,
 tarima aku, Tuhanku.

"TATEAN SLAMAT"

OH APANG, JE HUNG SORGA
 T'RIMA KASIH AKAM WEI..
 IKAU BEWEI, TATEAN S'LAMAT..
 PANEWUS.. DOSANGKU..

OH APANG, JE HUNG SORGA..
 TUH UNGKUP AIM MANARA..
 IKAU BEWEI, TATEAN S'LAMAT..
 KAHARAP.. KATATAI..

Reff :
 TARA ARAM JE PANGKAHAI..
 DENGAN KARE BERKAT PARAPAH..
 AMBU AUH NYANYI KAPANIA..
 DENGAN KARE MALAEKAT TUHAN..

BASARAH HALAJUR, HUNG KUASAM..

135. LANGIT, PETAK, BULAN, BINTANG.

F = 1 Lago: Yesus Kristus aton Raja.
 4/4 L.N. No. 49.

1̣ 3̣ | 5 3 5 3 | 5̣ 4̣ 4̣ 0 2̣ 3̣ | 4 2
 La ngit, pe tak, bu lan bin tang, re ar bu lau
 i je me lai ka ta ta hie, e ter de hen
 4 3̣ 4̣ | 5̣ 4̣ 3̣ 0 1̣ 3̣ | 5 3 2 2 |
 ka re hin tan u ras ha yang han di
 ja ton ma lih : Auh ain Tu han pang ka
 1̣ . 1̣ : || 1̣ 1̣ 0 | 6̣ 6̣ 5 3 5 4 |
 ai ; Auh ain Tu hang pang ka
 ha - - - - ai.
 3̣ . 0 ||
 hai.

3. Auh katoto ain Hatalla
 manang tuntang mampakalah
 punga, tipu, handiai.
 Yoh kapapa dan tanjaro
 je palayang kare oloh,
 akan nihau katatai,
 akan nihau katatai.

2. Kare peteh aie kabujur,
 kare janjie te harajur
 toto tulus handiai.
Auh aie tau mamplawa atei,
 mampong oloh belum matei,
 sampai sanang haliai ;
 sampai sanang haliai.

4. Amon tipu daya tende,
 langit tuntang petak hongge,
 rusak, lilap handiai,
 te haluli tara-tara
 aku, tagal auh Hatalla,
 huang sorga hung kahai,
 huang sorga hung kahai.